

Wha will buy my troggin, fine election ware
 The Trogger
 Melody - "Buy Broom Besoms"
 Robert Burns, 1796; Heron Election Ballad, No. IV

Wha will buy my troggin, fine election ware,
 Broken trade o' Broughton, a' in high repair?
 Chorus:
 Buy braw troggin frae the banks o' Dee;
 Wha wants troggin let him come to me.

2. There's a noble Earl's fame and high renown,
 For an auld sang-it's thought the gudes were stown
 Chorus:

3. Here's the worth o' Broughton in a needle's e'e;
 Here's a reputation tint by Balmaghie.
 Chorus:

4. Here's its stuff and lining, Cardoness' head,
 Fine for a soger, a' the wale o' lead.
 Chorus:

5. Here's a little wadset, Buittle's scrap o' truth,
 Pawn'd in a gin-shop, quenching holy drouth.
 Chorus:

6. Here's an honest conscience might a prince adorn;
 Frae the downs o' Tinwald, so was never worn.
 Chorus:

7. Here's armorial bearings frae the manse o' Urr;
 The crest, a sour crab-apple, rotten at the core.
 Chorus:

8. Here's the worth and wisdom Collieston can boast;
 By a thievish midge they had been nearly lost.
 Chorus:

9. Here is Satan's picture, like a bizzard gled,
 Pouncing poor Redcastle, sprawlin' like a taed.
 Chorus:

10. Here's the font where Douglas stane and mortar names;
 Lately used at Caily christening Murray's crimes.
 Chorus:

11. Here is Murray's fragments o' the ten commands;
 Gifted by black Jock to get them aff his hands.
 Chorus:

12. Saw ye e'er sic troggin? if to buy ye're slack,
 Hornie's turnin chapman - he'll buy a' the pack.
 Chorus: